



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres**

**Tylkowski, Wojciech**

**Oliva, 1686**

Monitum ad Cultorem Virginis.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

quædam capita, vel quidam vertices rectè dicuntur nocturnæ avis, & dentis vigiliarum, & verè anathematizati diaboli, qui cum sit Princeps tenebrarum, & tanquam leo circumbeat quærens quem devorer; rectè & nocturna avis: & dens vigiliarum dicitur. *Etrufus*. Coronabitur, quia credent gentes in Fructum ventris sui, & eorum credentium salus, Corona Virginis erit. *Richard. à S. Laur. lib. 12.* Ideò dicitur ipsa coronari de cubilibus Leonum, *Cant. 4.* Leones isti sunt demones, quorum cubilia sunt peccatores, pro quibus orat assidue. Vel certè id quod *Apoc. 12.* de muliere habente in capite coronam duodecim stellarum: sicut Dèus Abrahamæ promisit ejus prolem ut stellas cœli fore, sive etiam stellas duodecim signorum Zodiaci, quæ sunt symbola variarum virtutum. *Amedeus Eufanens. hom. 6. de laud. Mariæ.* Vallata Sanctorum lilijs Redemptoris Mater, aptissimè huncilli congruentem poterit proferre sermonem: Gaudium meum, & Corona mea omnes vos estis, acquisiti sanguine meo, & carne sumpta de carne mea.

## M O N I T U M

## Ad Cultorem Virginis.

**I**D non meis verbis, sed uti cœtera ut majus habeant pondus verbis Doctorum formabo. Itaque *Richardus à S. Laur. lib. 2. de laud. Virg.* ita monet. Debent quantum possunt (*Virginem*) in virtutibus imitari, & saltem à longè currere in odorem unguentorum ejus, quia sicut dicit Auctoritas *Greg. hom. 18. in Evang.* Venerari Sanctos, & non imitari: nihil est aliud, quàm mendaciter adulari: Virgini siquidem multò magis placet devotus imitator, quàm laudator oriosus: & vera laudatio cordis, & oris, imitatio operis est, & tunc veri laudatores Sanctorum existimus, si ea sectemur, quæ & ipsi sectati sunt. Igitur dilectissimi amate quam colitis, & colite quam amatis, quia tunc verè eam amatis, & colitis, si imitari velitis ex toto corde, quam amatis. *Imo Chrysost. in cap. 24. Matth.* Quæ est ista Justitia sanctos colere, & sanctitatem contemnere? Primus gradus est pietatis, sanctitatem diligere, postea sanctos, quia non sancti ante sanctitatem fuerunt, sed sanctitas ante eos. *Idem Greg. lib. 1. Epist. 47.* Pone finem in voluntate peccandi, & invenies Mariam, indubitanter promitto, promptiorem carnali Matre, ac mitiorem in tui dilectione. *D. Damasc. de Assumpt. B. V. orat. 2.* Curemus ut mentem, memoriamque nostram Genitricis DEI promptuarium efficiamus. Quoniam autem modo id assequemur? Et Virgo ipsa est: & Virginum amans,

V. v 3.

pura

pura est: & purorum amans: quocirca si & corporis & animi castitatem colimus, ipsius gratiam adipiscemur, siquidem omne lutum fugit, ac coenofas affectiones averfatur, ingluviem execratur, foedisimæ fornicationis vitij infelix est, hujus impuras & scelestas cogitationes non secus ac viperarum fetus fugit, sermones fœdos ac scurriles propellit, cantusque ac meretricia unguenta submovet, iræ tumorem odio habet: inhumanitatem & invidiam, ac similitates non admittit, inanem gloriam vanis laboribus se frangentem, rejicit, superbie fastui animo hostili resistit: injuriarum memoriam tanquã salutis hostem odio sectatur, vitium denique omne, tanquam lethale venenum, execrationi habet. Horum autem contrarijs delectatur: contraria enim contrariorum medicamenta sunt. Jejunio & parsimoniã, psalmodiarumque cantibus gaudet, cum puritate ac Virginitate, ac pudicitia pulchrè illi convenit, sempiternamque pacem cum illis colit, easque humanè, & comiter exosculatur, pacem animique lenitatem complectitur, charitatem & misericordiam, atque humilitatem, tanquam alumnas suas fovet, atque ut breviter perstringam, quolibet vitio offenditur, ac discredatur, quâlibet autem virtute ut peculiari nota sua lætatur & exultat: quamobrem si vitia prompto ac alacri animo vitemus, virtutes autem omni studio atque amore complectamur, easque socias adhibeamus, frequens ipsa ad famulos suos venit, ac secum omnium bonorum agmen trahet, Christum Filium suum, omniumque Regem ac Dominum in cordibus nostris habitantem assumet, cui gloria, honor, robur, majestas, & magnificentia cum Patre principij experte, ac Sanctissimo Spiritu, nunc, & semper, & in sæcula sæculorum Amen.

*Bernard. super Salve.* Agnoscit Virgo & diligit, diligentes se, & propè est in veritate invocantibus se, præsertim hos quos videt conformes sibi factos in castitate, & humilitate si totam spem suam in ea post Filium suum posuerint, ex toto corde quæsierint. *Honorius Augustonensis in Sigillo Mariæ cap. 4.* Collum Virginis sunt de ea scribentes, qui quasi collum cibum verba Dei deglutiunt, & in alios quasi in corpus transmittunt. Labia Virginis sunt, qui de ea secreta Dei aperiant, qui ut favus distillant, quia omnes sermones de ea dulcedine distillant. Lingua Virginis dicuntur, qui ejus præconia loquuntur, de quibus mel & lac manat, quia eorum doctrina sapientes & insipientes fatiat. *S. Bonav. Stim. Div. cap. 7.* Ipsam Matrem Dei tanquam bonus & devotus Filius in omnibus pro posse studeas imitari, tunc enim proculdubio te sibi tanquam Matri veraciter exhibebis, & ipsa te tanquam suum Filium veraciter adjuvabit & quæ dignè ab ea petieris, tibi dabit, & in omnibus tibi necessarijs ad salutem simpliciter ministrabit, & tandem

tandem in cœlesti gloria te apud se feliciter collocabit. *Sophron. inter opera S. Hieron. serm. de Assumpt.* Dilectissimi amate Mariam, quam colitis, colite quam amatis, quia tunc verè colitis & amatis, si imitari velitis ex toto corde, quam amatis. *Bernard. hom. super Missus 2.* Ut impetres ejus orationis suffragium, non deseras ejus conversationis exemplum. *Et hom. 1.* Si Mariam diligitis, si contenditis ei placere, æmulemini modestiam ejus. *S. Ildesonsus serm. 1. de Assumpt.* Imitemini Matrem Virginem, & Sanctos omnes, quos laudatis, quoniam non tantum illis prodest nostra laudatio, quantum nobis eorum imitatio, undè Sponso magis placet imitator devotus, quam otiosus laudator, vera laudatio cordis est imitatio operis. *Anonymus in Biblioth. Vaticana num. 305.* Debent, qui dignè cupiunt ministrare B. Virgini, ipsam quantum possunt in virtutibus imitari, & saltem à longè currere in odorem unguentorum ejus, quia sicut dicit Autoritas: Venerari Sanctos & non imitari, nihil est aliud quam mendaciter adulari. *Quocirca S. Bonav. Epist. 25.* Ut tua devotio sit B. Virgini accepta, & reverentia grata, ipsius puritatem, & munditiam, omni virtute, mente, & corpore illibatè in te ipso servando, toto copatu nitaris humilitate & mansuetudine ejus vestigia imitari. *S. Germ. orat. de zona.* Illis delectatur Virgo ab omni penitus macula aliena, qui virtutibus & secundum Deum vitæ pio instituto renovantur. *Dion. Carthus. serm. 5. in Concept. B. V.* Ut purissimæ Virgini complaceamus, omni carnalitati, foeditati, impuritati renunciemus, atque quotidie magis ac magis mundi, casti, ac spirituales esse condignè nitamur. *Ut est in Menologio Cisterciensium.* Apparuit B. Gulatæ S. Virgo, cum hoc monito: Quando me salutas Angelica Salutatione, noli, si vis mihi placere, & magis tibi proficere, amodò illam Salutationem tam citò proferre. *B. Eustochia Messanensis,* ita in ejus vita scripsit *Casus Linza,* fuit à sua matre edocta, quinquies recitare Salutationem Angelicam, quodam die peni hujus oblita, ab eadem Sanctissima levi fuit à lapà percussa, & de omni precatione correpta. *Levia hæc nobis viderentur, sed Sanctæ Virgini tanta ut non indignum judicaverit, propter illa de cœlo descendisse.*

EPILO-